



ტვირთის გადაზიდვის (ევაკუატორის საშუალებით) მომსახურების
სახელმწიფო შესყიდვის გამარტივებული ელექტრონული ტენდერის
სატენდერო დოკუმენტაცია
CPV63110000

თბილისი
2014 წელი

2. ტექნიკური დოკუმენტაცია

2.1 როგორც იურიდიული ასევე ფიზიკური პირებისთვის წარმოსადგენია:

2.1.1. პრეტენდენტმა უნდა წარმოადგინოს რეკვიზიტები, სატენდერო წინადადების ფასი, სატენდერო წინადადების მოქმედების ვადა – **დანართი №2-ის** მიხედვით.

2.1.2. პრეტენდენტმა უნდა წარმოადგინოს ინფორმაცია ანალოგიური მომსახურების შესრულების არანაკლებ ერთწლიანი გამოცდილების შესახებ.

2.1.3. ინფორმაცია მომსახურების გაწევისთვის შესაბამისი ტექნიკური შესაძლებლობების შესახებ.

2.1.4. ინფორმაცია დღგ-ს გადამხდელობის შესახებ.

2.1.5. პრეტენდენტის მიერ წარმოსადგენი 2.1.1., 2.1.2., 2.1.3. და 2.1.4. პუნქტით გათვალისწინებული მონაცემები ელექტრონულ სისტემაში უნდა აიტვირთოს ტექნიკურ დოკუმენტაციასთან ერთად.

2.2 შესყიდვის ობიექტი, ობიექტის მიწოდების პირობები და ვადები:

2.2.1. შესყიდვის ობიექტია: ტვირთის გადაზიდვის (ევაკუატორის საშუალებით) მომსახურება – შემდგომში მომსახურება.

2.2.2. გასაწევი მომსახურების ჩამონათვალი და დეტალური აღწერა იხილეთ შესყიდვის ობიექტის ტექნიკურ დავალებაში.

2.2.3. შესყიდვის ობიექტის მიწოდება უნდა განხორციელდეს ერთადგილიანი და ორადგილიანი ევაკუატორით ეტაპობრივად შემსყიდველის მოთხოვნისთანავე. მომსახურების მიწოდება უნდა განხორციელდეს ხელშეკრულების გაფორმებიდან ეტაპობრივად 2015 წლის განმავლობაში 31 დეკემბრის ჩათვლით.

2.2.4. შესყიდვის ობიექტის მიწოდების ადგილია: შემსყიდველის მოთხოვნის შესაბამისად, საქართველოს მთელს ტერიტორიაზე.

2.3 შესყიდვის ობიექტის ტექნიკური დავალება

2.3.1. მიმწოდებელმა უნდა უზრუნველყოს ავტოსატრანსპორტო საშუალებების გადაზიდვა (ევაკუატორით) შემსყიდველის მოთხოვნის შესაბამისად, საქართველოს მთელს ტერიტორიაზე (შესაძლებელია არასამუშაო დღეებშიც);

აგრეთვე გამოძახების შემთხვევაში უნდა უზრუნველყოს ავტოსატრანსპორტო საშუალებების შიდა გადაადგილება (ევაკუატორით) ქ, თბილისში, მუხიანის დასახლებაში მდებარე ფინანსთა სამინისტროს მომსახურების სააგენტოს #2 ბაზის ტერიტორიაზე.

2.3.2. ხელშეკრულების მოქმედების პერიოდში ტვირთის გადაზიდვა განხორციელდება:

– საქართველოს მთელს ტერიტორიაზე ერთადგილიანი ევაკუატორით სავარაუდოდ 3000კმ-ზე და ორადგილიანი ევაკუატორით 2000კმ-ზე; (კილომეტრაჟი ითვალისწინებს შემსყიდველის მიერ (ავტომანქანების გადაზიდვას) მითითებულ დანიშნულების ობიექტებს შორის მანძილს, რომლის მიხედვითაც მოხდება ანაზღაურება).

– მუხიანის #2 ბაზაზე სავარაუდოდ 20 გამოძახება.

2.3.3. მიმწოდებელმა უნდა უზრუნველყოს დროული და ხარისხიანი მომსახურება.

2.3.4. მიმწოდებელმა უნდა უზრუნველყოს ჩატვირთვა-გადაზიდვა-გადმოტვირთვისას უსაფრთხოების ნორმების დაცვა, მიმწოდებელი პასუხისმგებელია ტვირთის დაუზიანებლად გადაადგილებაზე, ხოლო დაზიანების შემთხვევაში პასუხისმგებლობა ეკისრება მიმწოდებელს.

2.3.5. მიმწოდებელმა უნდა უზრუნველყოს მომსახურების განფასება დ.ღ.გ-ს გარეშე დანართი №2-ის მიხედვით.

(შემოთავაზებული ფასი უნდა მოიცავდეს გადასაზიდი ტვირთის (ავტომობილები) ჩატვირთვა-გადაზიდვა-გადმოტვირთვის ღირებულებას.).

შენიშვნა: * პრეტენდენტი წინადადების ფასში არ ითვალისწინებს დღგ-ს, მიუხედავად იმისა, არის თუ არა იგი დღგ-ს გადამხდელი საქართველოს კანონმდებლობის შესაბამისად. შერჩევა-შეფასება განხორციელდება წარმოდგენილი წინადადების ფასების მიხედვით. შემსყიდველი ორგანიზაცია ხელშეკრულების ღირებულებაში გაითვალისწინებს სატენდერო წინადადების ფასის შესაბამის დღგ-ს ოდენობას, თუ ხელშეკრულების დადების მომენტისთვის პრეტენდენტი არის დღგ-ს გადამხდელი საქართველოს კანონმდებლობის მოთხოვნათა შესაბამისად.

დღგ-ს გადამხდელობის შემთხვევაში პრეტენდენტმა უნდა წარმოადგინოს ცნობა შესაბამისი ორგანოდან.

2.4 ანგარიშსწორების პირობები:

2.4.1. სატენდერო წინადადებაში ერთეულისა და საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.4.2. ანგარიშსწორება მოხდება უნაღდო ანგარიშსწორებით ლარში, ფაქტიურად მიწოდებული შესყიდვის ობიექტის ღირებულების შესაბამისად.

2.4.3. ანგარიშსწორება მოხდება მიღება-ჩაბარების აქტის გაფორმებიდან არაუგვიანეს 20 კალენდარული დღის განმავლობაში.

2.4.4. წინასწარი გადახდის მექანიზმი არ გამოიყენება.

2.5 დამატებითი მოთხოვნები:

2.5.1. პრეტენდენტის მიერ წარმოდგენილი (ერთიან ელექტრონულ სისტემაში აქტირებული) ყველა დოკუმენტი ან/და ინფორმაცია ხელმოწერილი და ბეჭედდასმული (ასეთის არსებობის შემთხვევაში) უნდა იყოს ხელმძღვანელის ან მის მიერ უფლებამოსილი პირის მიერ.

2.5.2. სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას **ქართულ ენაზე. არაქართულენოვანი დოკუმენტაცია არ განიხილება.**

2.5.3. სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯის, ასევე მიმწოდებლისათვის საქართველოს კანონმდებლობით დადგენილი გადასახადებისა და მოსაკრებლების გათვალისწინებით.

2.5.4. სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.5.5. სხვადასხვა ვალუტაში გამოსახული სატენდერო წინადადებები არ განიხილება.

2.5.6. გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასი (მ.შ დღგ-ს გათვალისწინებით ასეთის არსებობის შემთხვევაში, დღგ-ს გადამხდელობის შემთხვევაში პრეტენდენტმა უნდა წარმოადგინოს ცნობა შესაბამისი ორგანოდან.) დანართი №2-ის შესაბამისად, რომელიც წარმოადგენს ხელშეკრულების განუყოფელ ნაწილს.

3. დამატებითი ინფორმაცია

დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში

მისამართი: თბილისი, გ. გულუას ქ. №4, სსიპ "საქართველოს ფინანსთა სამინისტროს მომსახურების სააგენტო".

საკონტაქტო პირი: ნათია ღლონტი

ტელეფონი: (+995 322) 2 601 601

ხელშეკრულება № — სახელმწიფო შესყიდვის შესახებ

პროექტი

(წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი)

ქ. თბილისი

20--- წლის —————

ერთის მხრივ, სსიპ „საქართველოს ფინანსთა სამინისტროს მომსახურების სააგენტო“ (შემდგომში „შემსყიდველი“) წარმოდგენილი ————— სახით და

მეორეს მხრივ, ————— (შემდგომში „მიმწოდებელი“) წარმოდგენილი ————— სახით,

„სახელმწიფო შესყიდვის შესახებ“ საქართველოს კანონის და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (SPA-----) ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და გამარტივებულ ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება გამარტივებულ ელექტრონულ ტენდერში და ახორციელებს მომსახურებას ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული შესყიდვის ობიექტი.
- 1.7 „ტექნიკური დავალება“ – სატენდერო დოკუმენტაციის ტექნიკური დავალება, რომელიც ხელშეკრულების განუყოფელი ნაწილია.

2. შესყიდვის ობიექტი

- 2.1. შესყიდვის ობიექტს წარმოადგენს: ტვირთის გადაზიდვის (ევაკუატორის საშუალებით) მომსახურების შესყიდვა, CPVკოდი 63110000 – შემდგომში მომსახურება.
- 2.2 ხელშეკრულებით გათვალისწინებული მომსახურების დეტალური აღწერა და პირობები მოცემულია ტექნიკურ დავალებაში, რომელიც ხელშეკრულების განუყოფელი ნაწილია.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს: ლარს.
(სახელშეკრულებო თანხა ციფრობრივად, სიტყვიერად)
- 3.2 გასაწევი მომსახურების ერთეულის ფასი, რაოდენობა და საერთო ღირებულება მოცემულია ხელშეკრულების დანართში (მიმწოდებლის სატენდერო წინადადება), რომელიც ხელშეკრულების განუყოფელი ნაწილია.
- 3.2 ხელშეკრულების ჯამური ღირებულება არ უნდა აღემატებოდეს სატენდერო წინადადებაში მითითებულ ფასებს და უნდა მოიცავდეს ხელშეკრულების შესრულებასთან დაკავშირებულ ყველა თანამდევ ხარჯს, მათ შორის საქართველოს მოქმედი კანონმდებლობით გათვალისწინებულ მიმწოდებლისთვის დადგენილ ყველა გადასახადს.

4. მიწოდების პირობები და ადგილი

- 4.1. შესყიდვის ობიექტის მიწოდება უნდა განხორციელდეს ეტაპობრივად, შემსყიდველის მოთხოვნის შესაბამისად. მომსახურების გაწევის ვადებია: ხელშეკრულების გაფორმებიდან ეტაპობრივად 2015 წლის განმავლობაში 31 დეკემბრის ჩათვლით.
- 4.2. ტვირთის გადაზიდვა შემსყიდველის მოთხოვნის შესაბამისად უნდა განხორციელდეს ერთადგილიანი და ორადგილიანი ევაკუატორის საშუალებით საქართველოს მთელს ტერიტორიაზე. ტვირთის შიდა გადაადგილება, გამოძახების შემთხვევაში უნდა განხორციელდეს ქ. თბილისში, მუხიანის დასახლებაში მდებარე მომსახურების სააგენტოს №2 ზაზის ტერიტორიაზე.

5. მხარეთა უფლება-ვალდებულებები

5.1 შემყიდველს უფლება აქვს :

5.1.1 შეამოწმოს შესყიდვის ობიექტის მახასიათებლების შესაბამისობა ხელშეკრულებით გათვალისწინებულ პირობებთან;

5.1.2 რაიმე ნაკლის აღმოჩენის შემთხვევაში, აცნობოს და მოთხოვოს მიმწოდებელს ნაკლის დაუყოვნებლივ გამოსწორება.

5.1.3 მოითხოვოს მიმწოდებელისგან ხელშეკრულების ჯეროვანი, დროული და კეთილსინდისიერი შესრულება.

5.2 შემყიდველი ვალდებულია:

5.2.1 განახორციელოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.

5.2.2 დაიცვას ხელშეკრულებით გათვალისწინებული პირობები.

5.3 მიმწოდებელს უფლება აქვს:

5.3.1 მოთხოვოს შემყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად.

5.4 მიმწოდებელი ვალდებულია:

5.4.1. უზრუნველყოს ხელშეკრულების პირობების შესრულება.

5.4.2. შესყიდვის ობიექტის მიწოდების პროცესში არსებული შეფერხების შესახებ აცნობოს შემყიდველს.

5.4.3. მიმწოდებელმა უნდა უზრუნველყოს ჩატვირთვა-გადაზიდვა-გადმოტვირთვისას უსაფრთხოების ნორმების დაცვა, მიმწოდებელი პასუხისმგებელია ტვირთის დაუზიანებლად გადაადგილებაზე, ხოლო დაზიანების შემთხვევაში პასუხისმგებლობა ეკისრება მიმწოდებელს.

5.4.4. შესყიდვის ობიექტის მიწოდების პროცესში რაიმე ნაკლის გამოვლენის შემთხვევაში, უზრუნველყოს მისი გამოსწორება დაუყოვნებლივ, საჭიროების შემთხვევაში გაწიოს საჭირო მომსახურება, შემყიდველის მხრიდან რაიმე დამატებითი ხარჯების გარეშე.

6. ანგარიშსწორება

6.1 ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით ეტაპობრივად მიმწოდებლის მიერ ფაქტობრივად გაწეული მომსახურების ღირებულების შესაბამისად.

6.2 ანგარიშსწორება მიმწოდებელთან განხორციელდება შესყიდვის ობიექტის მიღება-ჩაბარების აქტის გაფორმებისა და მიმწოდებლის მიერ ანგარიშფაქტურის წარდგენის საფუძველზე, შესაბამისი დოკუმენტების სრულად წარდგენიდან არაუგვიანეს 20 კალენდარული დღის ვადაში.

6.3 საქართველოს მოქმედი კანონმდებლობით გათვალისწინებული მიმწოდებლისათვის დადგენილი ყველა გადასახადის გადახდაზე პასუხისმგებელია მიმწოდებელი.

7. ხელშეკრულების ინსპექტირება

7.1 შემყიდველი ახორციელებს კონტროლს ხელშეკრულების შესრულების ნებისმიერ ეტაპზე მიმწოდებლის მიერ ნაკისრი ვალდებულებების შესრულებაზე.

7.2 მიმწოდებელმა უნდა უზრუნველყოს შემყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

7.3 ინსპექტირებას ახორციელებენ შემყიდველის თანამშრომლები (შემდგომში ინსპექტირები ჯგუფი).

7.4 ინსპექტირების ჯგუფის ფუნქციებია:

7.4.1 გაუწიოს კონტროლი შესყიდვის ობიექტის მიწოდების ვადების ხელშეკრულების მოთხოვნებთან შესაბამისობის დადგენას.

7.4.2 განახორციელოს კონტროლი მიწოდებული შესყიდვის ობიექტის ხარისხზე, ტექნიკური დავალებით გათვალისწინებული მოთხოვნების შესაბამისობაზე.

7.4.3 მიღება-ჩაბარების აქტის საფუძველზე უზრუნველყოს მიწოდებული შესყიდვის ობიექტის მიღება.

7.5 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. შესყიდვის ობიექტის მიღება-ჩაბარების წესი

8.1 შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული შესყიდვის ობიექტის შესაბამისად, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერებით.

8.2 ხელშეკრულების 5.4 პუნქტის შეუსრულებლობის შემთხვევაში შემყიდველი უფლებამოსილია უარი განაცხადოს მიღება-ჩაბარების აქტის გაფორმებაზე და მოითხოვოს ხელშეკრულების პირობების შესრულება შემყიდველის მხრიდან რაიმე დამატებითი ხარჯების გაწევის გარეშე.

9. ხელშეკრულების შეწყვეტა

9.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული შესყიდვის ობიექტის ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

9.2 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ვადაში მიმწოდებელს არ შეუძლია შესყიდვის ობიექტის სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;

დ) მიმწოდებლის მიმართ დაიწყო გადახდისუნარიანობის საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

9.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.4 ხელშეკრულების 9.3 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 დღით ადრე წერილობით აცნობოს ამის შესახებ მეორე მხარეს.

10. მხარეთა პასუხისმგებლობა

10.1 ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 1%-ის ოდენობით.

10.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11. ფორს-მაჟორი

11.1 მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისგან.

12. ხელშეკრულებაში ცვლილებების შეტანა

12.1 ხელშეკრულებაში ნებისმიერი ცვლილების ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ხელშეკრულების განუყოფელი ნაწილია.

12.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. დავების გადაჭრის წესი

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელისმოწერისთანავე და ძალაშია ----- ჩათვლით.

15. დასკვნითი დებულებები

15.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

15.2 ხელშეკრულება შედგენილია ქართულ ენაზე 2 თანაბარი იურიდიული ძალის მქონე ეგზემპლარად და ინახება მხარეებთან.

16. მხარეთა მისამართები, საბანკო რეკვიზიტები და ხელმოწერები

შემსყიდველი:

მიმწოდებელი:

სსიპ "საქართველოს ფინანსთა სამინისტროს
მომსახურების სააგენტო"
ქ. თბილისი, გულუას № 4
ტელ: (995 32) 601 601
საიდენტიფიკაციო კოდი: 205081249
ს.ს. "ბაზისბანკი" ბანკის კოდი: 220101956
ა/ა GE02BS0000000007434110

აფიდავიტი

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებული იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
- * ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- * ჩემთვის ცნობილია, რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისგან თავის შეკავება;
 - ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;
- * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების გამარჯვების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის- სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

სატენდერო წინადადების ფასი , მოქმედების ვადა

(შევსების თარიღი)

სატენდერო დოკუმენტაციით გათვალისწინებული ტვირთის გადაზიდვის (ევაკუატორის (პრეტენდენტის დასახელება)

საშუალებით) მომსახურების მიწოდებას გათვალისწინებით (თანხა ციფრებით) () ლარად დღგ-ს გარეშე. (თანხა სიტყვიერად)

№	დასახელება	რაოდენობა	ერთეულის ღირებულება (დღგ - გარეშე)	სულ ღირებულება (დღგ - გარეშე)	მომსახურების გაწევის ადგილი
1	2	3	4	5	6
1	ტვირთის გადაზიდვა ერთადგილიანი ევაკუატორის საშუალებით	3000კმ	_____	_____	შემსყიდველის მოთხოვნის შესაბამისად საქართველოს მთელს ტერიტორიაზე
2	ტვირთის გადაზიდვა ორადგილიანი ევაკუატორის საშუალებით	2000კმ	_____	_____	
3	ტვირთის შიდა გადაადგილება (ევაკუატორით) სასაწყობო ბაზაზე	20 გამოძახება	_____	_____	ქ. თბილისი, მუხიანის დასახლება, მომსახურების სააგენტოს ბაზა №2

ვეთანხმებით ტექნიკური დოკუმენტაციით გათვალისწინებულ მოთხოვნებს.

ვკისრულობთ ვალდებულებას ტენდერში გამარჯვების შემთხვევაში მოგაწოდოთ ტვირთის გადაზიდვის (ევაკუატორის საშუალებით) მომსახურება სატენდერო დოკუმენტაციაში მითითებული ტექნიკური დავალების შესაბამისად.

უზრუნველყოფთ ჩატვირთვა-გადაზიდვა-გადმოტვირთვისას უსაფრთხოების ნორმების დაცვას, პასუხისმგებელი ვართ ტვირთის დაუზიანებლად გადაადგილებაზე, ხოლო დაზიანების შემთხვევაში ავანაზღაურებთ მიყენებულ ზიანს.

ამასთანავე გაცნობებთ, რომ ჩვენი სატენდერო წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

ინფორმაცია დღგ-ს გადამხდელობის შესახებ: გაცნობებთ, რომ _____

(თანამდებობა, სახელი, გვარი)

(ხელმოწერა)

შენიშვნა: *პრეტენდენტი წინადადების ფასში არ ითვალისწინებს დღგ-ს, მიუხედავად იმისა, არის თუ არა იგი დღგ-ს გადამხდელი საქართველოს კანონმდებლობის შესაბამისად. შერჩევა-შეფასება განხორციელდება წარმოდგენილი წინადადების ფასების მიხედვით. შემსყიდველი ორგანიზაცია ხელშეკრულების ღირებულებაში გათვალისწინებს სატენდერო წინადადების ფასის შესაბამის დღგ-ს ოდენობას, თუ ხელშეკრულების დადების მომენტისთვის პრეტენდენტი არის დღგ-ს გადამხდელი საქართველოს კანონმდებლობის მოთხოვნათა შესაბამისად.

დღგ-ს გადამხდელობის შემთხვევაში პრეტენდენტმა უნდა წარმოადგინოს ცნობა შესაბამისი ორგანოდან.

პრეტენდენტის რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის სახელი და გვარი: _____

პრეტენდენტის იურიდიული ან/და ფაქტიური მისამართი: _____

საიდენტიფიკაციო კოდი: _____

პრეტენდენტის ტელეფონის ნომერი: _____

ელექტრონული მისამართი: _____

ბანკი, ბანკის კოდი: _____

ანგარიშსწორების ანგარიში: _____

(თანამდებობა, სახელი, გვარი)

(ხელმოწერა)